

Park Rangernan a entrega tur cos na polisnan...

Duck tape cu cabey blond haya na Boca Turtuga



ORANJESTAD(AAN): Boc a turtuga ta un boca masha conoci pa autoridadnan si mira cu aki ta trata di un boca unda den pasado te hasta droga a spula yega tera of narcotraficantenan a dreña subi tera cu droga.



Diadomingo e boca aki tabata e atraccion special ora cu park rangernan cu tabata move controlando e costanan a bin descubri un duck tape cu basta cabey blond na dje.

Mirando e ultimo acontecimiento di e desaparicion di Natalee Holloway a haci cu mesora a notifica polis cu a bay over tambe na cuminsa move algun hende pa cu e caso aki.

Te hasta Search and Rescue

Aruba y despues Texas Equu Search a wordo notifica unda nan a pone un team disponible pa cuminsa busca.

Comisario Coysi Krozendijk di distrito 3 San Nicolas tambe a haci su presençia na e lugar pa asina reforza su coleganan cu a presenta unda a baha den lama algun diver, a haci uso di helicopter y tambe a haci uso di cacho pa busca den e vecindario.



E duck tape cu e cabey blond lo ser studia y manda kizas pa un laboratorio unda eynan lo saca afor primeramente si ta trata di cabey di un ser femenino y finalmente si ta trata di partinan di Natalee.



A manda materialnan di auto y apartamento di Joran

Testnan cu a bolbe di Hulanda ta muestra cu no tin nada como prueba

ORANJESTAD(AAN): Aind a por corda con grupo di polisnan local y tambe FBI cu algun autoridad Hulandes a bay na cas di famia Van Der Sloot na Montaña pa asina busca y sweep henter e camber di Joran, rond di e cas y den tur e autonan cu tin na e cas menciona.

Tur cos a ser manda

Hulanda cu speranza cu lo por logra haya cualkie evidencia necesario.

Te hasta restonan di stof zuiger a ser manda Hulanda.

E siman cu a pasa e resultado a bolbe y nos tin informacion cu no a haya nada cu por wordo usa como prueba relaciona cu e curpa di Natalee.

Si ta asina mes cu a haya evidencia, no kiermen cu el a ser mata, pero sikiera por a deduci cu Natalee tabata tambe na e cas na Montaña.

Asina e ultimo speranza cu e autoridadnan tabata tin tambe a cay na awa y awor lo mester sigui move rond y busca otro caminda di cana pa loke ta e caso di Natalee.